



HE KŌRERO TĀTAI

Tū Ake Whawhai

He kupu whakataki

Ko te huinga pukapuka *He Kōrero Tātai*, he kohinga kōrero e whakatairanga ana i ētahi āhuatanga nō neherā hei ako mā te tamariki te hītori. Katoa ngā kōrero e hāngai ana ki Te Takanga o Te Wā, te marautanga ako hītori hou. E hāngai ana ngā pukapuka *He Kōrero Tātai* ki ngā ākonga kei ngā tau 1–8. Ko te arotahinga o tēnei putanga ko te mautohe.

He Mihi Tēnā rā koutou e tahuri mai nei ki te whakaako i ngā kōrero nehe e matahiāpohia nei e tātou. E tika ana kia mihia tēnei kaupapa nui whakaharahara, e ako ai ā tātou ākonga mō te ao e noho nei rātou, e ako hoki rātou i ngā mahi rangatira a ō rātou mātua tūpuna. Tēnei hoki te mihi nā Te Tāhuhu o te Mātauranga me Tātai Aho Rau Core Education ki ngā tāngata katoa nā rātou tēnei rauemi i hāpai. Ki ngā ringa whakairo i te kupu o ngā tuhinga ka noho hei tūāpapa mō tēnei aratohu, tēnā koutou katoa.



Te Petihana Reo Māori

Nā Robert Pouwhare

I te tau 2022, i te 14 o Mahuru, i muia te Whare Pāremata i Te Whanganui-a-Tara e te ao mātinītini ki te whakanui te wā i whakatakotohia ai te petihana mō te reo ki te Kāwanatanga i te tau 1972.

Ko te petihana, he tono, he āki i te Kāwanatanga kia whakaae kia uru te reo Māori ki ngā akomanga o ngā kura i Aotearoa.



Maranga Ake Ai

Nā Angie Stretch

Nō mai rā anō he mea tito te waiata, te haka me te ruri e te Māori hei whakaahua i ngā tangi o te wā. I ngā tau 1980, kāore kau he wānanga Māori, he kōhanga reo, he kura kaupapa, he kura reo Māori. Nā ngā waiata pēnei i a Maranga Ake Ai, ka rongo ngā tāngata katoa i Aotearoa ki te whawhai a te iwi Māori kia ora anō ai te reo Māori ki Aotearoa.



Mana Wāhine - Porotēhe

Nā Angie Stretch

Mai anō he wāhine e whawhai ana mō te whenua, mō te reo, mō te iwi anō hoki. He kōrero kei tēnei tuhinga mō ētahi o ngā wāhine rangatira nā rātou ngā huarahi i para hei painga mō te iwi Māori o nāianei, o āpōpō hoki.

Mā te pouako – Te Takanga o Te Wā

Ka kitea i tēnei rauemi he kupu pakirehua, he ngohe hoki kia whai māramatanga ai koe ki tēnā tuhinga, ki tēnā tuhinga. He tiwhiri hoki kei ngā ngohe mō te arotake, e hāngai ana ki ngā whāinga e whā o Te Takanga o Te Wā i raro iho nei.

- Kei te mōhio ahau nō hea ahau, nō wai hoki ahau.
- Kei te mōhio ahau ki ngā kōrero tuku iho o te takiwā e noho nei au.
- Kei te mōhio ahau ki ā mātou hononga ki takiwā kē.
- Kei te mōhio ahau ki ngā kōrero tuku iho o Aotearoa.

Ka kitea hoki i te pukapuka he hononga ki ngā tirohanga kei Te Takanga o Te Wā. Ka tautuhia e ia tuhinga ko tēwhea aronga, tirohanga hoki e hāngai ana ki ngā tuhinga, engari ehara i te mea ka aukatingia ērā atu aronga, tirohanga rānei. Ko tā mātou he akiaki i a koutou kia whai huarahi hei whakawhānui, whakaaauaha, whakahāngai hoki i ō koutou ake marau ā-kura ki ngā kōrero o tō rohe hei whakanikoniko i te ako i ā tātou kōrero nehe huhua.

Taumata Rua

Āheinga Reo Ka tutuki te whānuitanga o ngā āheinga reo i roto i te wairua ngahau me te hiahia ki te whakawhitiwhiti whakaaro.

ā-Waha:

1. Ka whakawhitiwhiti kōrero, ka whakaraupapa kōrero hei whakatutuki kaupapa.
2. Ka mārama ia ki ngā reo ā-puta e pā ana ki ētahi kaupapa motuhake.

Puna Reo Ka tipu haere tonu te puna kupu me ōna āhuatanga katoa.

ā-Waha:

3. Ka māia, ka tika anō tana whakamahi i ētahi kupu honohono, kupu mahi, kupu āhua, rerenga kōrero hoki e kawē ana i ngā kare ā-roto.

Rautaki Reo Ka whakamahi rautaki reo, ā, ka taea te whakamārama ngā huarahi kua whāia hei whakatutuki i tāna i whakaputa ai, i rongo ai.

ā-Waha:

4. Ka kōrero kia whānui ake, kia mārama ake, kia hōhonu ake ngā whakaaro.

Taumata Toru

Āheinga Reo Ka tutuki te whānuitanga o ngā āheinga reo i roto i te wairua ngahau me te hiahia ki te whakawhitiwhiti whakaaro.

ā-Waha:

1. Ka mārama ki ētahi kōrero āhua roa tonu.
2. Ka whakapuaki kōrero hei whakaputa māramatanga, tautohetohe rānei kia puta ai te reo whakakapi, te reo patapatai me te reo whakatau.

ā-Tā:

1. Ka tautohu, ka tā i ngā tino āhuatanga o ngā momo reo tuhi, reo tā maha.

Puna Reo Ka tipu haere tonu te puna kupu me ōna āhuatanga katoa.

ā-Waha:

3. Ka whakanikoniko i āna kōrero, tuhinga rānei ki ngā kupu taurite, kupu āhua nā te whanui haere o tana puna kupu.

ā-Tā:

3. Ka tika te tātaki kupu hou ahakoa te horopaki.
4. Ka mārama ki ētahi kupu ake o tētahi kaupapa motuhake.

Rautaki Reo Ka whakamahi rautaki reo, ā, ka taea te whakamārama ngā huarahi kua whāia hei whakatutuki i tāna i whakaputa ai, i rongo ai.

ā-Waha:

4. Ka mārama ki te anga o ngā momo kōrero Māori ake nei.

ā-Tā:

6. Ka whakamahi rautaki whānui ki te āta whakapūmau i te māramatanga o ngā tuhinga me ngā reo.
7. Ka whakamahi i ētahi rautaki rangahau.
8. Ka whakamahi mahere hei whakatakoto, hei whakaraupapa i ngā whakaaro.

Te Reo Matatini: Kua arotakengia ia tuhinga ki ngā taumata 2 ki te 4 o Te Reo Matatini.

Taumata Whā

Āheinga Reo Ka tutuki te whānuitanga o ngā āheinga reo i roto i te wairua ngahau me te hiahia ki te whakawhitiwhiti whakaaro.

ā-Waha:

1. Ka whakatairite, ka tohutohu, ahakoa te horopaki, i ētahi kaupapa ōpaki, ōkawa rānei.
2. Ka whakapuaki patapatai hāngai tonu, kōrero whakamārama, tautohetohe rānei kia puta ai te reo hīkaro, te reo whakamana hoki.

ā-Tā:

1. Ka mārama ki ngā rerekētanga o tā te kaipānui titiro i tā te kaituhi, kaitā rānei.
2. Ka tīpako i ngā āhuatanga o ngā momo reo tuhi hei whakaniko i ngā tuhinga pono me ngā tuhinga auaha.
3. Ka whai whakaaro ake ki te pūtake o te tuhituhi me te kaipānui.

Puna Reo Ka tipu haere tonu te puna kupu me ōna āhuatanga katoa.

ā-Waha:

3. Ka mārama, ka whakamahi i ngā kīanga whakaahua, kīanga whakarite hei whakaniko i te kaupapa.

ā-Tā:

4. Ka tika te tātaki kupu hou me te whai i ngā ture o te reo.

Rautaki Reo Ka whakamahi rautaki reo, ā, ka taea te whakamārama ngā huarahi kua whāia hei whakatutuki i tāna i whakaputa ai, i rongo ai.

ā-Waha:

4. Ka whakarongo kia mōhio ai ia me pēhea te arotake, te whakawā, te wetewete i ngā hīkarotanga.
5. Ka matatau te rere me te whakahāngai i te reo whakawhitiwhiti, te reo whakanene me ngā kōrero tinihanga.
6. Ka whakamārama i te hononga o ngā momo kōrero Māori ake nei, kōrero kē atu hoki i roto i tētahi kaupapa ōkawa.

ā-Tā:

5. Ka whakamahi i ētahi rautaki rangahau mō te huhua o ngā take.
6. Ka tukatuka, ka whakahāngai i ngā mōhiohio.
7. Ka whakarōpū i ngā whakaaro e ōrite ana, e hāngai ana ki roto i tētahi mahere tuhituhi, kia kitea ai te noho raupapa mai o te tuhinga.
8. Ka rāwekeweke i ngā āhuatanga reo me te hanganga o te tuhinga kia rangona ai tōna ake reo.

He rautaki hei taunaki i te ako

He rautaki pai tēnei hei whakahihiko i te ngākau i ngā ākonga e pānui ana, e mahi ana.

Whakaritea he tūtohi me ngā kupu hauraro 'Tāku e mōhio nei'; 'Tāku e hiahia ana ki te ako'; 'Tāku i ako ai'

I mua i te pānui me te whakamahi i ngā ngohe ka kōrero tahi te kaiako me ngā ākonga mō te mōhio o ngā ākonga ki te kaupapa o tētahi o ngā tuhinga. He pai tēnei hei tīmatanga kōrero mō te kaupapa. Whakaraupapahia ngā kōrero ki raro i 'Tāku e mōhio nei'.

Kātahi ka matapaki i tā rātou e hiahia ai ki te ako mō te kaupapa. Whakaraupapahia ngā kōrero nei ki raro i 'Tāku e hiahia ana ki te ako'.

I a rātou e pānui ana, i muri hoki, whakaraupapahia ngā akoranga hou ki a rātou ki raro i 'Tāku i ako ai'.

Te Petihana Reo Māori

Nā Robert Pouwhare



Te Marautanga o Aotearoa (TMOA)

Tikanga ā-lwi

Whenu: **Te Wāhi me te Taiao**

- 3.2 Ka whakamārama i ngā take e whakarite ai, e whakamahi ai hoki, te tangata i te ritenga me te ture.
- 3.3 Ka whakamārama i te rerekētanga o ngā mahi a ngā rōpū ahurea, ahakoa e whakaata tonu ana ēnei i ētahi pūtake ōrite.

Whenu: **Te Takanga o Te Wā**

Whāinga 4: Kei te mōhio ahau ki ngā kōrero tuku iho o Aotearoa.

Aronga: Tōku Tū i Te Ao

- He huhua ngā kōrero nehe o Aotearoa e whakaata ana i ngā wheako me ngā tirohanga rerekē a te tangata.

Aronga: Ngā Pou Herenga

- He rerekē ngā wheako kōrero tuku iho o tēnā, o tēnā.
- He hononga kei waenga i ngā kōrero nehe o ngā tāngata me ngā wāhi rerekē.

Whakarāpopototanga

He rerekē te ao i ngā tau 1970 neke atu. Kāre a tauwi i paku rata ki tō tātau reo. Kāre hoki i rata ki tō tātau ahurea me ā tātau tikanga. Kāre i whakaakohia te reo i ngā kura, kāre hoki te reo i runga i ngā reo irirangi me te pouaka whakaata.

Engari kua panoni te ao ināianei. I te tau 2022, i te 14 o Mahuru, i muia te Whare Pāremata i Te Whanganui-a-Tara e te ao mātinitini. I reira ngā kōhanga reo, ngā kura kaupapa Māori, ngā wānanga, ngā reo irirangi, ngā pouaka whakaata, ngā iwi o ngā tōpito katoa o te motu. I tae mai hoki ētahi mema o te Kāwanatanga. I tēnei rā i whakanuia te wā i whakatakotohia te petihana mō te reo ki te Kāwanatanga i te tau 1972.

I mua i te pānui pukapuka

Tirohia te tapanga me ngā whakaahua. Inawhea pea i tū ai te petihana nei?

Rauemi

Manatū Taonga | Ministry for Culture & Heritage: [Māori Language Petition 50th Anniversary](#)

Radio NZ: [Te Petihana Reo Māori](#)

Taringa Podcast: [Ep 258 - Ngā Taonga - Te Petihana Reo Māori](#)

Kuputaka

mātinitini - te tokomaha tāngata

whakahau - tohutohu

haumate - ngoikore

whakaemihia - kohikohia

Whāinga 4: Kei te mōhio ahau ki ngā kōrero tuku iho o Aotearoa

	He pātai whai whakaaro	Hei tukanga	Hei mahi	Hei whakakitenga	Hei arotake
Ngohe 1	He aha tā Richard Benton whai mō te reo Māori i tana rangahau?	Rangahaua te oranga o te reo i tō whānau. Uia ētehi tokorua o tō whānau mō ō rāua whakaaro e pā ana ki te oranga me te mana o te reo Māori i tō whānau, hapū, iwi rānei.	Ētahi pātai uiui e taea ai: - E pēhea ana te ora o te reo? - Ko wai e kōrero ana i te reo? - E kōrerohia ana ki hea? - Kei hea ngā wāhi e rangona ai te kounga o te reo?	Nā ngā mōhiohio i ngā uiui ka taea e ngā ākonga te waihanga toi, tuhinga rānei e whakaatu ana i te ora o te reo Māori i ō rātou whānau, hapū, iwi rānei.	Ka taea e ngā ākonga te whakahaere uiui poto hei kapo i ngā kōrero matua.
Ngohe 2	E hia ngā tau ki muri ka waitohua ai Te Petihana Reo Māori?	Waihangahia he rārangi wā o ngā kaupapa matua o te reo Māori i roto i ngā tau.	Rangahaua ngā kaupapa matua i kōkirihia i ngā tau 50 kua hipa mō te whakarauora i te reo Māori, tae noa ki ngā kaupapa ā-motu, ā-rohe, ā-whānau rānei.	Ka waihanga ngā ākonga i ngā rauemi hei whakaako atu ki tangata kē mō te rārangi wā, hei tauira, he kēmu poari, kēmu ā-ipurangi rānei e whai ana i te kaupapa whakarauora i reo Māori i roto i ngā tau.	Ka waihanga ngā ākonga i tētahi rauemi whai tikanga e whakamōhio atu ana i ngā kaupapa kōrero o nehe e hāngai ana ki te whakarauora i te reo Māori.
Ngohe 3	Ki ō whakaaro he aha i whakapau kaha ai te hunga hei whakarauora i te reo Māori?	He aha ētahi aupiki, auheke hoki o te ako i te reo Māori?	Whakawehea te akomanga kia rua ngā rōpū. Ko tā tētahi rōpū he tuhi i ngā aupiki o te ako i te reo Māori ko tētahi he tuhi i ngā auheke.	Ko koe hei kaiwhakawā mō tētahi tautohetohe i te kaupapa. Hei te mutunga iho ka matapakihia e te akomanga te mana o ngā whakaaro me ā rātou tirohanga.	Ka taea e ngā ākonga ngā huatau te matapaki i runga anō i ngā tikanga whai hua, whai mōhiohio hoki, i a rātou e tautohetohe ana.

Maranga Ake Ai

nā Angie Stretch



Te Marautanga o Aotearoa (TMOA)

Tikanga ā-Iwi

Whenu: **Te Ao Hurihuri**

- 3.1 Ka whakamārama i te whakaawenga o ngā whakaaro me ngā mahi a te tangata i te oranga o ētahi atu i ngā wā o mua.

Whenu: **Te Takanga o Te Wā**

Whāinga 4: Kei te mōhio ahau ki ngā kōrero tuku iho o Aotearoa.

Aronga: Tōku Tū i Te Ao

- He huhua ngā kōrero nehe o Aotearoa e whakaata ana i ngā wheako me ngā tirohanga rerekē a te tangata.

Whakarāpopototanga

Nō mai rā anō he mea tito te waiata, te haka, me te ruri e te Māori hei whakaahua i ngā tangi o te wā. I ētehi o aua wā he mahi ātete, he **whakanau** atu i ngā pēhitanga a te Kāwanatanga. He take nui ēnei i te ao whānui, he whakahē i te whakaweti me te **kaikiri** tae noa mai ki te tautohe atu ki te kaikiri i Aotearoa.

Koia e pupū ake ana te whatumanawa me te karanga o te iwi Māori kia mau tonu ki te whenua, kia ākona te reo, kia huri te Kāwanatanga ki ngā nawe a te iwi. Kia aroha hoki!

I mua i te pānui pukapuka

Whakarongo ki te waiata [Maranga Ake Ai](#). Matapakihia te kaupapa o te waiata.

I ngā ākonga e pānui ana

Rapua te kōrero mō te ‘Mana Māori Motuhake’ me te matapaki i te tikanga o te kōrero ki ngā ākonga.

Rauemi

YouTube: [Aotearoa – Maranga Ake Ai](#)

Kuputaka

kaikiri - whakatoihara

porotēhe - mautohe

whakanau - whakakāhore

whakaoreorenga - whakahikotanga

Whāinga 4: Kei te mōhio ahau ki ngā kōrero tuku iho o Aotearoa

	He pātai whai whakaaro	Hei tukanga	Hei mahi	Hei whakakitenga	Hei arotake
Ngohe 1	Inawhea i whakatūria ai te kōhanga reo me te kura kaupapa Māori tuatahi?	Rangahaua inawhea i whakatūria ai ēnei me te take i taunaki ai te oranga tonutanga o te reo Māori.	Waihangahia tētahi rārangi wā tae noa ki te whakatūranga o te kōhanga reo me te kura kaupapa Māori. Whakaurua ngā wā matua, me ngā tāngata i whai wāhi atu.	Whakairia te rārangi wā ki te pakitara o te akomanga.	Ka ako ngā ākonga i te oranga o te reo Māori me ngā mahi whakarauora i te whakatūranga o te kōhanga reo me te kura kaupapa Māori.
Ngohe 2	He aha ngā kaupapa e rangona ai i te papa tū waewae o Te Matatini?	Kōwhiria he kapa kua tū ki Te Matatini me tētahi o ā rātou waiata e pai ana ki a koe. Kei a koe te tikanga mō te tau i puta ai taua waiata. He mahi takitahi rānei, ā-rōpū, ā-akomanga rānei.	He aha te kaupapa o te waiata? Tīpakohia ngā kupu matua, kīanga, kaupapa rānei.	Whakatangihia, waiatahia rānei te waiata ki te akomanga me te whakamārama i te kaupapa ki ō whakaaro, ki tāu rānei i rangahau ai.	Kei te tāutu ngā ākonga i te puoro Māori whai karere, ā, ka hura hoki rātou i taua karere.
Ngohe 3	Ka pēhea e whai wāhi atu ai te puoro ki te whakarauoratanga o te reo Māori?	Rangahaua ngā momo tikanga e whai wāhi kē atu ai te whakarauoratanga o te reo. Hei tauira: Te Matatini, Waiata Anthems, ngā ringapuoro Māori, taonga puoro, kiriata reo Māori pērā i a Coco, Frozen, Lion King, me Moana.	Kōwhiria mai tētahi o ngā waiata i whakamāorihia mō ngā kiriata reo Māori (Coco, Frozen, Lion King, me Moana aha atu rānei) me te tāutu i ngā kīwaha, ngā whakataukī, me te mita i ēnei kiriata.	Whakapuakina ō whakaaro mō ēnei kiriata, waiata hoki e taunaki ana i te whakarauoratanga o te reo Māori i ēnei rā, pērā i te waiata Maranga Ake Ai i tana putanga tuatahitanga ki te ao i tōna wā.	Ka whai hononga ngā ākonga ki ngā mahi whakarauora o ēnei rā ki ērā o ngā wā o mua.

Mana Wāhine – Porotēhe

Nā Angie Stretch



Te Marautanga o Aotearoa (TMOA)

Tikanga ā-Iwi

Whenu: **Te Ao Hurihuri**

- 3.1 Ka whakamārama i te whakaawenga o ngā whakaaro me ngā mahi a te tangata i te oranga o ētahi atu i ngā wā o mua.
- 3.2 Ka whakamārama i ngā huarahi e taea e te takitahi me te rōpū te urupare ki te panoni.

Whenu: **Te Takanga o Te Wā**

Whāinga 4: Kei te mōhio ahau ki ngā kōrero tuku iho o Aotearoa.

Aronga: Tōku Tū i Te Ao

- He huhua ngā kōrero nehe o Aotearoa e whakaata ana i ngā wheako me ngā tirohanga rerekē a te tangata.

Whakarāpopototanga

E mea ana te kōrero ko te tangata i ākona ki te kāinga, tū ana ki te marae, tau ana!

Mai anō he wāhine pēnei i a Te Puea Herangi, i a Whina Cooper, i a Merata Mita mā, e whawhai ana mō te whenua, mō te reo, mō te iwi anō hoki. E mea ana ētahi he wāhine porotēhe ēnei. Engari he aha te porotēhe? Ko te whakautu tere, he whakanau atu, he whakahē i ngā whakahaeretanga o te wā, a te Kāwanatanga, a ngā Kaunihera, ā, i ētahi wā, a ngā whanaunga Māori. He kore whakaae ki ngā ture, ki ngā āhuatanga e pēhi nei i te noho a te iwi Māori.

I mua i te pānui pukapuka

Matapakihia te tapanga 'Mana wahine – Porotēhe '. He aha tōna tikanga ki te akomanga? Nā reira, e hāngai pea te tuinga nei ki te aha?

I ngā ākonga e pānui ana

Nō muri i ia pānuitanga o ngā wāhanga, wānangahia te take i kōwhiria ai ēnei wāhine hei kaupapa kōrero mō te mana wāhine.

Rauemi

Te Ara: [Hērangi, Te Kirihaehae Te Puea](#)

Te Ara: [Cooper, Whina](#)

Whakaata Māori: [Merata](#)

Kuputaka

māperetia - ka whakaturea te uru atu ki te pakanga

tutū ana te puehu - raru nui

rūruhitanga - kuiatanga

Whāinga 4: Kei te mōhio ahau ki ngā kōrero tuku iho o Aotearoa

	He pātai whai whakaaro	Hei tukanga	Hei mahi	Hei whakakitenga	Hei arotake
Ngohe 1	He aha te haurongo? He aha e tuhia ai te haurongo? He aha pea ngā momo mōhiohio kei roto? Ka taea te haurongo te tuhi mō te tangata ahakoa ko wai?	Matapakihia ngā āhuatanga o te haurongo: Ngā kōrero pono mō te tangata i takea mai i te maha o ngā momo pūtake, pērā i ngā tuhinga, ngā whānau, ngā hoa, te tangata ake, aha atu rānei. He wā ōna ka kōrero mō ā rātou mahi, tō rātou whānau, ngā wheako anō hoki.	Whakarāpopotohia ngā take e whakaaro ana koe mō te wahine whai mana.	Ka whakatauritea e ngā ākonga ō rātou whakaaro i kōwhiria ai ēnei wāhine hei kaupapa kōrero.	Ka taea e ngā ākonga te tautuhi i ētahi āhuatanga o te haurongo.
Ngohe 2	Mēnā ka tuhia e tētahi tangata he kōrero mōu, he aha pea tāna e kī ai?	Tuhia kia rima ngā pātai kia uiuia tētahi hoa hei tuhinga haurongo poto mōna.	Nō muri i te uiui tuhia he haurongo poto mōna. Kia whai whakaaro ki te whakaminenga me te kaupapa e hiahia nā koe ki te tuari atu mō te tangata. Ka pēhea koe e whakatūturu ai i tō whakamana i te tangata?	Ka hopu ataata ngā ākonga o rātou anō e kōrero ana mō te tangata e uiuia ana me te tuku atu ki a rātou i taua uiui hei koha.	Ka tīmata ngā ākonga ki te whakaaro ki ngā kaupapa haurongo me ngā mōhiohio e hiahia ana pea e te whakaminenga e pā ana ki a rātou.
Ngohe 3	Ko wai tētahi tangata e hiahia nā koe ki te rapu mōhiohio mōna?	Kōwhiria tētahi o te whānau hei kaupapa kōrero.	Tōaitia te tukanga hei waihanga patapatai mō te uiui. Whakaarohia ka pēhea koe e hopu ai i ngā kōrerorero kia tīkina anō e koe ā tōna wā.	Kei ngā ākonga te tikanga kia tuari pēhea nei rātou ēnei mōhiohio, tito waiata mai, haurongo mai, hopu ataata mai, waihanga puka mai rānei. Hei te mutunga, tuaritia/hoatu he tāruatanga ki te tangata mōna te haurongo mēnā ka taea.	Kua tīmata ngā ākonga ki te whakaaro hōhonu ki te oranga me ngā wheako o tāngata kē me ngā hononga ki ā rātou ake kōrero.